

starogradski

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

hakeri

BESPLATAN PRIMJERAK

OKTOBAR, 2020. broj 47.



Najviša priznanja

- 2-3 Rezultati istraživanja otvorenosti lokalnih samouprava u BiH
- 4-6 Prijem stranaka na otvorenom
- 7 Podrška privrednicima Starog Grada
- 8-9 Obnovljeno 12 starogradskih ulica
- 12-17 Infrastrukturni projekti
- 18 Podrška osobama treće životne dobi
- 20-21 Predstavljamo firmu 'Uzun-komerc'



Impressum

- Izdavač:** Općina Stari Grad Sarajevo
- Pripremili:** Almedina Porča
Alma Imamović
Jasenko Jašarević
Nedim Šahović
- DTP:** Safet Mališević
- Fotografije:** Safet Mališević
Nedim Šahović
- Štampa:** "Blicdruk" d.o.o.
- Adresa:** Zelenih beretki br. 4
71000 Sarajevo
- web:** www.starigrad.ba
- e-mail:** info@starigrad.ba
- Telefon:** +387 33 282 491



Priznanja



Načelnik Hadžibajrić ispunio najviše obećanja građanima, Općina Stari Grad najtransparentnija u BiH

Od 124 obećanja u četverogodišnjem mandatu ispunio ih je 100, ili 84% - Općina ispunila čak 72% indikatora otvorenosti - Mjereni transparentnost, pristupačnost, integritet i učinkovitost

Prema rezultatima istraživanja inicijative Istinomjer, općinski načelnik mr Ibrahim Hadžibajrić je načelnik sa najviše ispunjenih obećanja datih građanima. Od 124 obećanja u četverogodišnjem mandatu (2016-2020.) ispunio ih je 100, ili 84%. Istovremeno, nema nijedno prekršeno ili neutemeljeno obećanje.

Istinomjer i Udruženje građana "Zašto ne" predstavili su i rezultate istraživanja otvorenosti svih jedinica lokalne samouprave u BiH. Općina Stari Grad je ubjedljivo na prvom mjestu sa 72% ispunjenih indikatora što je još jednom čini najotvorenijom i najtransparentnijom općinom u BiH.

Certifikat kao potvrda transparentnosti

Na press konferenciji održanoj 14.10.2020. godine u Hotelu "Europa" predstavljeni su finalni rezultati oba istraživanja, a općinskom načelniku Hadžibajriću uručen je certifikat kojim se potvrđuje najviši stepen transparentnosti ove lokalne zajednice. Mjereni su transparentnost, pristupačnost, integritet i učinkovitost.

"Treću godinu zaredom Općina Stari Grad je lider u BiH, ne samo u ispunjenosti mojih obećanja, već i u transparentnosti. Na tome moram zahvaliti kompletnoj administraciji Općine Stari Grad, koja je radila u interesu građana sa jasnim stavom da smo mi tu zbog njih," izjavio je načelnik Hadžibajrić.

Još bolji rezultati nego prošle godine

U novembru prošle godine inicijativa Istinomjer objavila je da je više od polovine datih obećanja za mandatni period od 2016–2020. godine ispunio načelnik Općine Stari Grad Sarajevo Ibrahim Hadžibajrić, njih 79 od ukupno 124. Taj progres nastavljen je i u 2020. godini što je vidljivo po stepenu ispunjenosti obećanja. Također, u prošloj godini je Općina Stari Grad Sarajevo u analizi otvorenosti lokalnih samouprava u BiH bila na prvom mjestu, ali sa 66,95% zadovoljenih indikatora. Zahvaljujući napretku u više oblasti, ove godine su rezultati još bolji, 72%.



Certifikat o najvećem stepenu transparentnosti načelniku Hadžibajriću uručila je Selma Aščerić iz UG 'Zašto ne'

Ubjedljivo najviše ispunjenih obećanja ima načelnik Hadžibajrić

Kada je riječ o ispunjenosti predizbornih obećanja, istaknuto je da je prethodne četiri godine praćen rad načelnika i gradonačelnika 12 općina i gradova u BiH: Bijeljina, Trebinje, Bihac, Prijedor, Banja Luka, Tuzla, Široki Brijeg, Općina Centar, Općina Stari Grad, Općina Novo Sarajevo, Općina Novi Grad i Općina Istočno Novo Sarajevo.

„Sada smo na otprilike 87% ispunjenih obećanja, a do kraja mog mandatnog perioda ćemo to sigurno povećati za nekih 6-7%. To je ono što je realno. Potpuna ispunjenost od 100% nije moguća zbog zavisnosti od viših nivoa vlasti i administrativnih procedura. Što se tiče transparentnosti, u odnosu na prošlu godinu, kada smo također bili na prvom mjestu, sada smo postotak povećali na 72%. Nadam se da ćemo i u narednom vremenskom periodu, sljedeće godine povećati naše rezultate. To sad više ne zavisi od načelnika, već od građana koji će birati Općinsko vijeće i ljude koji će sjediti u tom Vijeću,“ izjavio je načelnik Hadžibajrić.

Denis Čarkadžić, iz Udruženja građana „Zašto ne“ istakao je da je ukupan procenat ispunjenih obećanja načelnika i gradonačelnika otprilike isti kao prošli mandat 2012-2016. ali i da je neuporedivo veći procenat ispunjenosti obećanja načelnika/gradonačelnika nego predstavnika entitetske i državne vlasti.

Danira Karović iz ovog udruženja je podsjetila da je rađen monitoring lokalnog indeksa otvorenosti u 145 jedinica

lokalnih samouprava u BiH. Rezultati su pokazali da su jedinice lokalnih samouprava još neotvorenije nego što su bile prethodne godine, kada je rezultat iznosio 34%, ove godine iznosi 33%. „Kada je riječ o najotvorenijim općinama/gradovima u BiH, na prvom mjestu je Općina Stari Grad Sarajevo, slijedi Općina Kakanj, Grad Prijedor, Grad Zenica, te peta po redu otvorenosti Općina Novo Sarajevo,“kazala je Danira.



Novosti



U svim mjesnim zajednicama održani “Prijemi stranaka na otvorenom”, učestvovalo oko 1.000 građana

Otvorena i direktna komunikacija s građanima s ciljem rješavanja tekućih problema • Najviše zahtjeva za Službu za investicije i komunalne poslove • Izlasci na teren po svim prijavama • Prijedlozi građana će dijelom biti osnova za nacrt budžeta za 2021. godinu

Od sredine augusta do sredine oktobra ove godine održani su “Prijem stranaka na otvorenom” Općine Stari Grad Sarajevo za građane svih 16 mjesnih zajednica. Ovakav način komunikacije sa građanima nastao je usljed ograničenog kretanja stranaka u općinskoj zgradi, uzrokovano pandemijom korona virusa. Kako bi se općinske službe ‘približile’ građanima i rješavale njihove probleme na licu mjesta, skoro dva mjeseca rađeni su prijemi na otvorenim površinama, trgovima, sportskim igralištima, školskim dvorištima itd.

Svi građani koji su se odazvali pohvalili su ovakav način komunikacije i opredjeljenje općinskog načelnika i općinskih službi da izađu među građane i saslušaju njihove probleme. Prijemima se odazvalo oko 1.000 građana, a polovinu od tog broja primile su Služba za investicije i komunalne poslove i Služba za lokalni razvoj i poslove mjesnih zajednica.

Riješeno 127 zahtjeva, ostali u proceduri

Zvanično je za nepuna dva mjeseca riješeno 127 zahtjeva stranaka iznesenih

na ovim prijemima, a neki od njih su:

na više adresa građanima su podijeljene kante za dvolinijsko prikupljanje otpada (Mošćanica i Vratnik), izvršeno uređenje prostora oko dječijeg igrališta u ulici Brdovita – Sedrenik, regulisan način korištenja javne površine ispred prostorija MZ Mahmutovac, popravljen razvodni ormar i sistem javne rasvjete na sportskom igralištu Bijela bašča, na zahtjev građana posječeno stablo koje je predstavljalo opasnost u ulici Nova Baruthana, izvršena popravka mobilijara na dva sportska igrališta koja pripadaju OŠ “Edhem Mulabdić” itd.

Pravi način ulaganja budžetskih sredstava

Najveći broj zahtjeva građana odnosio se na asfaltiranje, sanaciju stepeništa i kaldrma, izgradnju potpornih zidova, sanaciju stambenih jedinica i drugo. Ovi zahtjevi poslužit će da se u narednom periodu izvrši obilazak lokacija, utvrdi njihova opravdanost i pristupi rješavanju, a dijelom će biti osnova za izradu Nacrta budžeta 2021. godine.

Kako je izjavio općinski načelnik mr Ibrahim Hadžibajrić, više od 120 zahtjeva je već riješeno, ali je i više od 100 zahtjeva proslijedeno drugim, nadležnim javnim preduzećima i organima. „Obišli smo sve naše mjesne zajednice i posjetilo nas je oko 1 000 građana. Dosta toga smo odmah riješili, kao što je postavljanje kanti za otpad, krčenje šiblja, sječa sta-

bala, zamjena oštećene rasvjete. Ostale zahtjeve ćemo rješavati u narednom periodu, planirat ćemo te projekte u budžetu za sljedeću godinu i vjerujem da je ovo pravi način ulaganja budžetskih sredstava u projekte koje predlože građani,” kazao je načelnik Hadžibajrić.

Rješavanje zahtjeva socijalno ugroženih građana

Služba za boračko-invalidsku i socijalnu zaštitu je zajedno sa sekretarima mjesnih zajednica, a na osnovu zahtjeva koji su primani od početka ove godine i zahtjeva sa Prijema stranaka na otvorenom izvršila obilazak 120 porodica kako bi se izvršila provjera uslova u kojima ove porodice žive i opravdanost dodjele novčanih sredstava. Nakon obilaska sačinjena je lista najprioritetnijih, te je izvršena uplata jednokratnih pomoći za

30-ak porodica koje su dobile i pakete pomoći. Jednokratne pomoći u iznosu od 150 KM isplaćene se građanima koji su u stanju socijalne potrebe i nemaju nikakva primanja ili imaju stare ili bolesne članove domaćinstva.

Poziv javnim preduzećima da počnu raditi svoj posao

Nakon „Prijema stranaka na otvorenom“ službe su ukupno 108 zahtjeva uputile drugim institucijama ili javnim preduzećima na postupanje. Tu se uglavnom radilo o zahtjevima za sanaciju vodovodne ili kanalizacione mreže, odvoz smeća itd. Pomoćnici načelnika sa tokom ovih prijema, u razgovoru sa građanima, često dobijali informacije da su ih nadležna kantonalna javna preduzeća uputila da se obrate Općini Stari Grad za rješavanje svojih problema. Pritom, radi



Velika posjećenost na Mošćanici



Načelnik Hadžibajrić sa građanima



Na Hridu veliki odziv građana

Prije na Mošćanici nije bilo ni asfalta



Dobar potez Općine

Na Hladvodama (Mošćanica), duže od 60 godina, živi Salko Kundo sa svojom porodicom. Stanjem u svojoj mjesnoj zajednici je zadovoljan. „Prije na Mošćanici nije bilo ni asfalta, ni instalacija, a i u bivšoj Jugoslaviji ovo je bila jedna od najvećih mjesnih zajednica i najbrojnija. Samo da se nastavi kao i do sada ulagati sve će biti super. Pozdravljam ovaj potez jer je ovo najbrojnija mjesna zajednica u Starom Gradu. Ima ovdje dosta problema koji se daju ovako riješiti. Ovo je jako dobro. Evo ja sam sad riješio nešto vezano za inspekciju što sam čekao dvije godine. Obećali su mi i mislim da sam riješio svoj dugogodišnji problem,“ ispričao je Kundo tokom prijema na Mošćanici.

Novosti

Hitna sanacija u Boguševac čikmi

Na Prijemu stranaka na otvorenom za građane mjesne zajednice Toka-Džeka, kao jedan od prioriteta istaknuta je sanacija makadamske dionice ulice Boguševac čikma, u dužini od 55 metara. Ovim radovima se pristupilo odmah kako bi se građanima osigurali adekvatni uslovi prije početka zimske sezone i padavina. S obzirom na veliki broj domaćinstava u ulici i činjenicu da se radi o padinskom dijelu, kao i alternativnom pravcu, ovaj projekat je od velikog značaja za građane Toka-Džeke.



Sanirana ulica na Toka – Džeki

se o oštećenim instalacijama koje su u vlasništvu tih komunalnih preduzeća, pa je nejasno kako bi i zašto Općina trebala održavati tuđu imovinu. Ključno u ovome je to što građani za (ne)uslugu koja im se pruža uredno plaćaju račune kantonalnim javnim preduzećima koja moraju konačno početi raditi svoj posao. Svaki ovakav zahtjev zaprimljen tokom „Prijema stranaka na otvorenom“ Općina Stari Grad Sarajevo uputila je KJKP“Vodovod i kanalizacija“, KJKP“Rad“ i drugim nadležnim preduzećima na rješavanje.

Učenici obradovani tabletima

„Prijemi stranaka na otvorenom“ bili su prilika i za učenike i njihove roditelje da iznesu svoje zahtjeve i potrebe. Na Širokači je, na osnovu zahtjeva upućenih putem sekretara mjesne zajednice, općinski načelnik mr Ibrahim Hadžibajrić uručio tablete učenicima Aldinu Veliću i Benjaminu Školjiću. Devetogodišnji Eldar Ali Čolić, učenik osnovne škole „Edhem Mulabdić“ sam je došao na Prijem stranaka na otvorenom na Širokači i



Zajednička fotografija sa prijema u MZ Hrid-Jarčedoli

Bošnjak: Inovativna ideja

Ova ideja vrlo je inovativna i pokazuje razumijevanje Općine Stari Grad za njene građane u ovoj novonastaloj situaciji. Redovno pratim rad općinske administracije i ovo nije jedina pozitivna stvar koju rade zajedno sa nama građanima. Danas sam i sam dao jednu inicijativu, a tiče se otvorenja jednog društveno-omladinskog centra u prostorijama Mjesne zajednice Babića bašča, kazao je Nermin Bošnjak, koji je prisustvovao Prijemu stranaka na otvorenom“ za stanovnike Babića bašče.

iznio molbu da dobije tablet. Eldar je inače, treći razred i do sada je online nastavu pratio putem mobitela svojih roditelja, a tablet mu je bio velika želja. Saznavši za želje ovog dječaka, općinski načelnik mr Ibrahim Hadžibajrić pozvao ga je u svoj kabinet kako bi ga upoznao i lično mu uručio tablet.

Svim „Prijemima stranaka na otvorenom“ prisustvovali su općinski načelnik mr Ibrahim Hadžibajrić i sekretarka organa državne službe mr Alma Destanović. Na pitanja građana odgovarali su pomoćnici načelnika i njihovi saradnici iz službi: Služba za urbanizam, Služba za investicije i komunalne poslove, Služba za imovinsko-pravne, geodetske poslove, katastar i stambene poslove, Služba za boračko-invalidsku i socijalnu zaštitu, Služba za privredu, Služba za obrazovanje, kulturu i sport, Služba civilne zaštite, Služba za opću upravu i inspeksijske poslove i Služba za lokalni razvoj i poslove mjesnih zajednica.



Načelnik uručio tablet Eldaru Čoliću

Nastavak podrške privrednicima: Zakupnine manje za 30% narednih šest mjeseci

Negativne posljedice pandemije korona virusa na privredu u Starom Gradu ● Načelnik Hadžibajrić obišao privrednike ● Pomoć privredi kroz novo smanjenje zakupnina

Općinski načelnik mr Ibrahim Hadžibajrić, u više navrata je obilazio privrednike koji djeluju u općini Stari Grad kako bi se upoznao sa njihovim poslovanjem u uslovima uzrokovanim pandemijom korona virusa. Stanje na terenu pokazalo je da su posljedice po privredu u najstarijoj općini veoma ozbiljne, a pomoć privrednicima neophodna.

Krajem septembra načelnik Hadžibajrić u pratnji v.d. općinskog pravobranioca Enesa Smajlovića, pomoćnice za privredu Aldiane Kavazović, po ovlaštenju pomoćnice za civilnu zaštitu Lejle Dizdarević i pomoćnice za odnose s javnošću Almedine Porča posjetio neke od dugogodišnjih zakupaca općinskih poslovnih prostora.

Vahidin Šabić, direktor Frizerskih salona M Šabić govorio je o velikom padu prometa. „Naš promet u julu ove godine je za 67% manji u odnosu na juli prošle godine. Općina je jedan od rijetkih nivoa vlasti koji je reagovao na vrijeme što je jako važno. Ove sve druge pomoći još uvijek čekamo,“ kazao je Šabić.

Ništa bolja situacija nije ni u tekstilnoj industriji što je potvrdila Esmira Kandić, direktorica Thara Koncepta. „Kad nemate prometa vama troškovi i dalje idu, imate fiksne troškove kao što su najamnine, plate i drugo... i kad nemate nikakvih prihoda a Općina vam olakša odbacivanjem najamnine to drastično puno znači,“ ispričala je Esmira.

Nakon sagledavanja situacije, općinski načelnik mr Ibrahim Hadžibajrić iznio je prijedlog Općinskom vijeću o novom umanjenju zakupnina. Prijedlog je prihvaćen, pa se svim zakupcima općinskih poslovnih prostora od 01. oktobra, 2020. godine do 31. marta 2021. zakupnine umanjuju za 30%.

Prva konkretna pomoć zakupcima je pružena je u martu ove godine kada su zakupnine umanjenje za 50%, dok su u aprilu i maju potpuno ukinute. Ove pogodnosti za zakupce odrazile su se na općinski budžet u iznosu od oko dva miliona maraka. Novo umanjenje kirija značit će i manji priliv



Načelnik Hadžibajrić sa saradnicima u više navrata obilazio privrednike



U narednih šest mjeseci zakupnine manje za 30 odsto

Ugroženi i obrtnici

Obrtnička djelatnost pretrpjela je velike gubitke usljed zatvaranja radnji i pandemije korona virusa. Zbog činjenice da su mnogi ljudi ostali bez posla, imaju smanjena primanja i neizvjesnu budućnost, sve slabije se odlučuju na dodatne troškove, pa i popravku obuće. Osjetio je to na svojoj koži i Tufik Đurđević, obućar. „Promet je opao 60-70%. Vrlo rijetko se ljudi sad odlučuju da uopšte dolaze i da se vrši popravka obuće. Koliko će ovo trajati mi ne znamo.“

sredstava u budžet za oko milion konvertibilnih maraka. No, kako kaže načelnik Hadžibajrić budžet i postoji zbog građana.

„Ovdje ne treba spašavati budžete. Mi moramo spašavati privredu, građane, pomoći starim, bolesnim i socijalno ugroženim i sva naša pažnja u narednom periodu će biti usmjerena prema tome, a budžet je varijabilna kategorija i ne trebamo ga stavljati u prvi plan. Građani su u prvom planu. I viši nivoi vlasti bi trebali razmišljati na ovaj način jer svi oni su se okrenuli da spašavaju budžete što je naopako jer budžeti nisu tu sami zbog sebe, nego zbog građana. Građani trebaju budžete, ne treba budžet građane,“ izjavio je Hadžibajrić.

Infrastruktura

Završen projekat vrijedan 1,4 miliona KM, obnovljeno 12 starogradskih ulica

Prethodnih mjeseci intenzivno se radilo u mjesnim zajednicama Bistrik, Vratnik, Kovači, Sumbuluša, Ferhadija, Medrese i Toka-Džeka

U općini Stari Grad sanirano je 12 izuzetno frekventnih i važnih saobraćajnica čime su se građanima osigurali mnogo bolji uslovi za svakodnevni život. Prethodnih mjeseci intenzivno se radilo u mjesnim zajednicama Bistrik, Vratnik, Kovači, Sumbuluša, Ferhadija, Medrese i Toka-Džeka. Za radove vrijedne više od 1,4 miliona konvertibilnih maraka Općina Stari Grad je izdvojila oko 430.000 KM, a Direkcija za puteve Kantona Sarajevo milion KM. Općina Stari Grad je provela sve potrebne tenderske procedure, a

radovi su trajali od sredine maja do oktobra.

Na Kovačima se radila sanacija ulica: Očaktanum, Miščina i Halilbašića. Radovi su koštali oko 354.000 konvertibilnih maraka, a radove je izvodio konzorcij 'OXA' – 'DEMUS' iz Sarajeva.

Na području mjesnih zajednica Vratnik i Sumbuluša radile su se ulice: Bijela česma, Rogina (dio ulice) i Bakije sokak (dio ulice). Vrijednost radova je bila oko 444.000 konvertibilnih maraka, a izvodio ih je konzorcij 'ADO - TRANS' iz Visokog i 'DEMUS' iz

Sarajeva.

U mjesnim zajednicama Bistrik i Toka - Džeka urađena je sanacija lokalnih puteva: Hrvatini, Balibegovica i Berkuša mala, a radovi su koštali oko 327.000 konvertibilnih maraka. Izvodila ih je firma 'GRAKOP' iz Kiseljaka.

U Ferhadiji i MZ Medrese obnovljene su ulice: Petrakijina, Hasana Kaimije i Vareška. Vrijednost radova je bila oko 303.000 konvertibilnih maraka, a izvodila ih je firma 'ADO - TRANS' iz Visokog.



Očaktanum - Radila se sanacija 550 metara ulice. Uklonjen je stari dotrajali asfalt, stari šahtovi, slivnici i slivničke rešetke i na kraju urađeno asfaltiranje ulice.



Mišćina - Uspješno je realizovan i projekat sanacije oštećenog dijela ulice Miščina. Ulica je dobila novi asfalt na dužini od 165 metara.



Halilbašića - Projekat je obuhvatao sanaciju ukupno 220 metara ove ulice. Također, željela se sačuvati autentičnost izgleda ulice, te je urađena i sanacija oko 100 metara oštećenih kaldrmisanih trotoara.



Bijela česma - Ulica Bijela česma na Vratniku, kojom svakodnevno saobraća veliki broj vozila i pješaka, dobila je novi asfalt. Sanacija ulice urađena je na dužini od oko 100 metara.



Rogina - U ovoj ulici urađeno je uklanjanje starog asfalta, postavljanje novih ivičnjaka, izrada drenaže za odvodnju oborinskih voda, tamponiranja terena, te asfaltiranje oko 220 metara ulice.




Vareška - Ulica je nakon više od dvadeset godina sanirana i asfaltirana čime su građani dobili mnogo bolje uslove za život. Ulica Vareška asfaltirana je u dužini od oko 113,20 metara.



Hrvatin - Ulica je nakon mnogo godina sanirana cijelom svojom dužinom od 220 metara. Prije samog asfaltiranja urađeno je nivelisanje šibera, šahtova, te postavljanje slivnika.



Balibegovica - Sanacija ulice radila se na dionici od spoja ulice Berkuša mala do područne Osnovne škole 'Edhem Mulabdić' koja se nalazi na Bistriku. Ukupna dužina ulice na kojoj se radila sanacija je oko 270 metara.



Berkuša mala - Problem ispucalog asfalta, loše oborinske odvodnje i rupa na saobraćajnici u kojima se sakupljala voda pa je zimi dolazilo do poledice, sve je to sada prošlost za stanovnike ulice Berkuša mala, na Toka-Džeki. Oko 300 metara ove ulice je potpuno sanirano.



Petrakijina - Asfaltirana je i ulica Petrakijina, inače vrlo prometna saobraćajnica koja povezuje starogradsku jezgru sa poznatim naseljem Mejtaš. Ulica je sanirana u cijeloj svojoj dužini od 220 metara.



Hasana Kaimije - Urađena je sanacija ulice u dužini od 233,50 metara. Zbog lošeg stanja vodovodne mreže pristupilo se i zamjeni vodovodnih cijevi, a finansirali su je Općina Stari Grad i KJKP "Vodovod i kanalizacija".



Bakije sokak -U završnoj fazi je i sanacija posljednje ulice po redu iz ovog zajedničkog projekta. Radovi se izvode kroz četiri dionice, ukupne dužine 311 metara.

Projekti



Općina finansira rekonstrukciju dvorišta Medrese

Općinski načelnik mr Ibrahim Hadžibajrić i direktor Gazi Husrev-begove medrese dr.hfz.Mensur Malkić potpisali su ugovor o finansiranju II faze rekonstrukcije dvorišta Gazi Husrev-begove medrese, prema kojem će Općina Stari Grad u potpunosti finansirati ove radove iznosom od 70.900 KM. Prva faza rekonstrukcija dvorišta završena je prije dvije godine i također je finansirana iz budžeta Općine Stari Grad, iznosom od 99.000 KM. Završetkom druge faze, kompletno dvorište bit će rekonstruisano, a po prvi put Gazi Husrev-begova medresa dobit će i adekvatan prilaz za invalidne osobe.

Jedna od najstarijih obrazovnih institucija

Općinski načelnik mr Hadžibajrić istakao je da je ova saradnja bila neupitna i da bi se svakako trebalo pridavati više značaja Gazi Husrev-begovoj medresi koja je jedina škola u Bosni i Hercegovini, a nema ih mnogo ni u svijetu, koja kontinuirano radi duže od 480 godina.

“Općina Stari Grad uvijek stoji na raspolaganju ustanovama ove vrste. Ne

smijemo zanemariti da se nalazimo u dvorištu jedne od najstarijih obrazovnih institucija u ovom dijelu Evrope, koja djeluje već 483 godine. Ovo ističem jer smatram da bi i Univerzitet u Sarajevu za svoj nastanak trebao računati upravo 1537. godinu, a ne 1949. godinu, “kazao je načelnik Hadžibajrić. “Mnogi evropski gradovi nisu imali svoje univerzitete i fakultete u vrijeme kada je Sarajevo imalo Gazi Husrev-begovu medresu gdje su se školovali brojni učeni ljudi iz BiH i regiona,“ dodao je.

Medresu pohađa oko 500 učenika

Kako je istakao direktor Gazi Husrev-begove medrese dr.hfz Malkić, ova škola u kontinuitetu već 483 godine odgaja i obrazuje učenike i učenice, priprema ih za vrijeme u kojem će živjeti i izazove sa kojim će se suočavati.

„Želim da podsjetim da će ovo dvorište, odnosno ovu veliku donaciju i poklon, koristiti oko 500 učenika i učenica Gazi Husrev-begove medrese svakodnevno, a toliko ih je upisalo, odnosno pohađa našu školu od ove godine. Naravno, koristit će ga i generacije



Dio koji će se raditi



Za projekat izdvojeno 70.900 KM

koje dolaze i svi oni koji će posjećivati Gazi Husrev-begovu medresu. Smatram da će ovaj projekat i donacija itekako doprinijeti kvalitetnijem nastavnim, ali i vannastavnim aktivnostima, „kazao je direktor Malkić.



Tim Općine Stari Grad Sarajevo, predvođen kapitenom tima općinskim načelnikom mr Ibrahimom Hadžibajrićem, održao je simboličnu šetnju „Race for the cure“ koju su posvetili svim svojim kolegicama koje su se borile sa rakom dojke. Ni kiša i loše vrijeme nisu spriječili članove tima da u subotu, 26. septembra odaju počast svim svojim kolegicama za koje kažu da su heroine na koje je ponosna cijela Općina Stari Grad. Simbolična šetnja se održala na lokalitetu Dariva.

One su naše heroine i ponosni smo na njihovu borbu, snagu i herojstvo koje su pokazale u borbi s ovom opakom bolešću, poručili su uposlenici. U tim Općine Stari Grad registrovalo se više od stotinu uposlenika, a zahvaljujući njihovim registracijama i velikodušnosti sponzora, prikupljeno je oko 3.500 KM.

Kapiten tima, općinski načelnik mr Ibrahim Hadžibajrić se zahvalio svim uposlenicima koji su podržali akciju, kao i sponzorima, te istakao važnost podrške ovakvim akcijama, kao i na važnost preventivnih pregleda.

Među učesnicima šetnje bile su i uposlenice Općine Stari Grad koje su se uspješno izborile kako sa rakom dojke, tako i drugim opakim kancerogenim oboljenjima. Među njima i Samija Šabeta.



Načelnik uručio priznanje Samiji Šabeta - Heroine Općine Stari Grad Sarajevo

„Još 2009. godine, zahvaljujući sistematskom pregledu koji nam je osigurala Općina Stari Grad otkriven mi je tumor na obje dojke. Odmah sam operisana i problem je riješen zahvaljujući pravovremenom pregledu,“ kazala je Samija. „Ove godine ponovo smo imali organizovan sistematski pregled. Otišla sam ljekaru krajem jula. Bojala sam se da ne dođe do sličnih problema kao 2009. godine, međutim ispostavilo se da sada imam druge, ginekološke probleme. Odmah sam operisana i sada je sve, hvala Bogu dobro,“ ispričala je. Na kraju je

imala poruku za sve žene: „Ovim putem svim ženama poručujem da redovno idu na preglede kako ne bi došle u situaciju da se moraju operirati, odnosno da su oboljele, a da to nisu znale,“ kazala je Samija kojoj je kapiten tima, načelnik Hadžibajrić simbolično uručio priznanje „Heroine Općine Stari Grad“.

Općina Stari Grad je prva lokalna zajednica u BiH koja se organizovano uključila u „Race for the Cure“, a za doprinos je općinskom načelniku mr Ibrahimu Hadžibajriću pripala platinasta plaketa Race for the cure.

Platinasta zahvalnica načelniku Hadžibajriću

Za učešće Tima Općine Stari Grad Sarajevo u posebnoj trci/šetnji sa ciljem podrške ženama oboljelim od raka dojke Race for the cure“ općinski načelnik mr Ibrahim Hadžibajrić dobio je najvrijedniju platinastu zahvalnicu Organizacije „Think Pink – Zajedno smo jači“

U tim Općine Stari Grad online se registrovalo više od stotinu uposlenika, a zahvaljujući

njihovim registracijama i velikodušnosti sponzora, prikupljeno je oko 3.500 KM, što je jedan od najviših iznosa na nivou cijele BiH. „Kategorizacija je napravljena na osnovu broja članova tima i prikupljenih sredstava. Tim Općine Stari Grad, čiji je kapiten bio načelnik Ibrahim Hadžibajrić, je u najvećoj kategoriji platinastih zahvalnica“, kazali su u Organizaciji „Think Pink – Zajedno smo jači“.



Infrastruktura

Sanirane brojne ulice od značaja za građane



Planiranje budžetskih sredstava u skladu sa prijedlozima građana • Sanacija lokalnih, makadamskih puteva • Proširenja saobraćajnica

Intenzivno se radilo na sanaciji putne infrastrukture u Starom Gradu prethodnih mjeseci, tokom građevinske sezone. Većina ulica koje predstavljamo ovim tekstom predložena je za sanaciju od strane građana tokom prošlogodišnjih zborova održanih u mjesnim zajednicama i pravovremeno je planirana budžetom. Na ovaj način lokalna zajednica djeluje u saradnji sa građanima i radi na ispunjavanju njihovih zahtjeva.

Sedrenik mali

Asfaltiran je dio ulice Sedrenik mali, dionica od marketa 'Anis' do spoja sa dijelom ulice Prvi bataljon, u dužini od oko 270 metara. U sklopu projekta radilo se uklanjanje starog asfalta, tamponiranje podloge, ugradnja slivnih rešetki, nivelacija postojećih šahtova i šibera, te asfaltiranje. Iz mjesne zajednice Sedrenik su nam kazali da je ovaj projekat od velikog značaja za građane, posebno jer je ova ulica glavna poveznica sa ulicom Prvi bataljon.

„U ovom dijelu ulice nalazi se 30-ak objekata. Međutim, pored tih građana, ovu ulicu koriste i stanovnici ulice Prvi bataljon, tako da je projekat važan za sve njih“, pojasnili su. Radovi su koštali oko 71.000 KM.

Hadžijska ravan i Obhodža lipe

Izvršena je sanacija i asfaltiranje makadamskog kraka ulice Hadžijska ravan kod broja 129 i makadamskog dijela puta u ulici Obhodža lipe. Obje ulice nalaze se na području mjesne zajednice Mošćanica, a riječ je o lokalnim pristupnim putevima u kojima živi više invalidnih osoba, tako da je asfaltiranje dijelova ovih ulica uveliko olakšalo im kretanje. U ulici Hadžijska ravan kod broja 129 saniran je krak u dužini od oko 90 metara, a u ulici

Obhodža lipe dužine oko 100 metara. Sanacija obje ulice koštala je oko 27.000 KM.

Višegradska kapija

Stanovnici ulice Višegradska kapija, od broja 45 do 51, tražili su od svoje lokalne zajednice asfaltiranje ulice koja je jedini prilaz njihovim kućama. Sedam domaćinstava iz ove ulice do sada je ima-

lo makadamski prilaz, te su u više navrata tražili poboljšanje infrastrukture u njihovoj ulici. Ovdje se radi o ulici koja se spaja sa regionalnim putem Dariva-Hreša R447 gdje je također urađena sanacija i radovi završeni početkom septembra. Odmah potom, pristupilo se izvođenju radova na sanaciji dijela ulice Višegradska kapija dužine oko 160 metara čime je ispunjen zahtjev ovih stanovnika, te poboljšani uslovi putne komunikacije.



Sedrenik mali



Hadžijska ravan



Višegradska kapija

*Močila**Mali Kačanik**Sedrenik čikma**Boguševac čikma*

Močila

Lokalni dio puta u dužini od oko 90 metara, koji se nalazi u ulici Močila kod broja 77, mjesna zajednica Hrid - Jarčedoli je asfaltiran. Sanacija ulice planirana je budžetom Općine Stari Grad Sarajevo za 2020. godinu, a koštala je oko 21.500 KM.

Sedrenik čikma

U sklopu sanacije ulice Sedrenik čikma urađeno je asfaltiranje makadamskog dijela osnovnog putnog pravca Sedrenik čikma. Ukupno je postavljeno oko 300 metara novog asfalta.

Preostalo je da se sanira dio ulice koji predstavlja ulaz u Sedrenik čikmu iz ulice Sedrenik u dužini od 80 metara. „Na ovom dijelu veću duži vremenski

period imamo problem sa vodovodnim cijevima. Naime, potrebno je da nadležno preduzeće „Vodovod i kanalizacija“ uradi izmiještanje vodovodnih cijevi iz privatnog posjeda u ‘trup’ ceste. Nadležna služba će nastaviti vršiti pritisak na preduzeće „Vodovod i kanalizacija“ kako bi se ovi radovi što prije nastavili i projekat završio prije početka zime i novih padavina,“ saopšteno je iz Službe za investicije i komunalne poslove.

Mali Kačanik

U ulici Mali Kačanik na Hridu urađeni su radovi proširenja saobraćajnice što će povećati sigurnost saobraćaja i pružiti bolje uslove putne infrastrukture. Ovaj projekat su tražili stanovnici ulice Mali Kačanik na Hridu, tokom zborova građana i putem

svoje mjesne zajednice smatrajući da će proširenje ulice omogućiti bolju sigurnost u saobraćaju i osigurati mogućnost parkiranja vozila.

Boguševac čikma

Početkom oktobra, građani mjesne zajednice Toka-Džeka su na svom „Prijetu stranaka na otvorenom“ istakli veliku potrebu asfaltiranja makadamskog dijela ulice Boguševac čikma dužine oko 55 metara, pogotovo uoči početka zimske sezone i padavina. Radove je izvela firma OXA d.o.o. angažovana za ljetno održavanje cesta u općini Stari Grad. S obzirom na veliki broj domaćinstava u ulici i činjenicu da se radi o padinskom dijelu, kao i alternativnom pravcu, ovaj projekat je od velikog značaja za građane Toka-Džeka.

Infrastruktura

Sa građanima ulice Porčina: Ovo je značajan projekat za nas

Završen je projekat treće i posljednje faze sanacije kaldrme u ulici Porčina na Vratniku. U kvalitet izvedenih radova se lično uvjerio i općinski načelnik mr Ibrahim Hadžibajrić kojeg su dočekali zahvalni stanovnici kojima ovaj projekat znači bolji kvalitet života i lakše obavljanje svakodnevnih aktivnosti. Sanirana kaldrma ne znači samo građanima ulice Porčina, već i okolnih ulica Mačkareva, Čebedžije donje i gornje, te Prijeka česma.

Razgovarali smo sa građanima, i svi su se složili da je prethodno stanje kaldrme bilo uistinu loše. To je najbolje na svojoj koži osjetio Bahrudin Bašić koji je prije nekoliko godina padom slomio nogu, a živi na broju 24 ulice Porčina: „Sjećajući se na šta je kaldrma i ulica prije ličila, propala, ispucala, preko metar trave, toliko smo oduševljeni trenutnim stanjem da smo odlučili skupno doći, dočekati načelnika, njegove kolege i iskreno im se zahvaliti“, kazao je Bah-



Hadžibajrić s građanima obišao radove



Projekat vrijedan: 134.000 KM

rudin. Eldar Derviškadić sa svojom porodicom živi u susjednoj ulici Mačkareva, ali svakodnevno se kreće kaldrmom ulice Porčina: „Značajan je ovo projekat za sve nas. Zahvaljujući Općini stanje na ovom dijelu naše mahale je sada mnogo bolje“, kazao je Eldar.

Projekat je pored sanacije same kaldrme, obuhvatao i izradu mreže oborinske kanalizacije, te priključaka olučnih slivnika za odvodnju oborinskih voda, kao i betoniranje i ugradnju tri slivnika.

Projekat koštao 134.000 KM

Ovom vratničkom ulicom se proteže kaldrma cijelom njenom dužinom od skoro 200 metara. Prva faza radova je urađena na jesen 2016. godine, a tačno godinu dana poslije završena je druga faza, kada je sanirano oko 120 metara kaldrme, za iznos od 80.000 KM. Preostalih oko 70 metara sanirano je ove godine. Treća faza je koštala oko 54.000 KM, što je ukupno oko 134.000 KM za kompletnu ulicu.

Ulica Za beglukom: Sanirana najkraća ruta do srca grada

Realizovan je još jedan projekat u općini Stari Grad kojim se ispunjavaju prijedlozi i zahtjevi građana za poboljšanje infrastrukture unutar njihovih naselja. Riječ je o sanaciji kaldrmisanog i armirano-betonskog stepeništa u ulici Za beglukom, a isto pripada mjesnim zajednicama Širokača, Bistrik i Mjedenica. Kako kažu građani, ovo stepenište je za njih najkraća ruta do srca grada i koristi ga veliki broj ljudi, kako ovog tako i drugih okolnih naselja.

Stepenište u ulici Za beglukom je iznimno frekventna pješačka zona, odnosno jedna od glavnih pješačkih veza od Mjedenice, Bistrika, pa do Širokače. U jednom dijelu je kaldrma, a u drugom betonske ploče.

U razgovoru sa građanima ove starogradske ulice saznali smo da će sanirana kaldrma mnogo značiti sa estetskog, ali prvenstveno praktičnog i sigurnosnog aspekta. „Presretni smo zbog radova na



Najbrža pješačka ruta za građane MZ Širokača

našem starom stepeništu niz ulicu, jer ga često koristimo, to nam je najbrža pješačka ruta do srca grada“, potvrdio nam je Huso Ahmethodžić koji živi na broju 43 ulice Za beglukom.

Nekoliko brojeva niže u uređivanju avlije zatekli smo 70-godišnju Mu-



Projekat koštao 53.000 KM

liju Dizdarević, koja je također potvrdila značaj ovog projekta za građane: „Stepenište koristi zaista veliki broj ljudi, kako građani ove ulice, tako i građani brojnih drugih ulica na Širokači“, kazala je Muliya. Ovaj projekat koštao je oko 53.000 KM.

Građani dijela ulice Bostarići nakon više od 30 godina imaju normalno vodosnabdijevanje

Odlukom općinskog načelnika mr Ibrahima Hadžibajrića uspješno je realizovan projekat rekonstrukcije dijela vodovodne mreže i ugradnje hidrofleks stanice u ulici Bostarići na Širokači - od skretanja za ulicu Ablakovina, do rezervoara za vodu u ulici Bostarići do broja 55. Uoči početka radova razgovarali smo sa stanovnicima ovog dijela mjesne zajednice Širokača koji su nam potvrdili koliki je značaj ovog projekta za desetak domaćinstava ulice Bostarići.

Problem sa normalnim vodosnabdijevanjem nastao je s kraja 80-ih godina kada je došlo do širenja naselja i izgradnje većeg broja stambenih objekata. Šest kuća koje se nalaze uz sami rezervoar zbog opterećenja i nedovoljnog pritiska nisu imale normalno vodosnabdijevanje, a rješenje je konačno došlo nakon dogovora mještana i općinskog načelnika mr Ibrahima Hadžibajrića. „Vjerujte da evo 30 godina pokušavamo riješiti ovu situaciju sa raznim institucijama, njihovim rukovodiocima, ali jednostavno niko nije pokazao razumijevanje i želju da riješi jedan tako veliki problem za nas i naše porodice“, kazao nam je tada Galib Gežo stanovnik ulice Bostarići na broju 55. Galib nam je pojasnio da je zajedno sa bratom i još jednim komšijom predstavio ovaj problem načelniku Ibrahimu Hadžibajriću, koji je odlučio odmah djelovati. „Moje komšije i ja dugujemo veliku zahvalnost načelniku, jer zamislite da svakodnevno živite sa manjkom vode. Ovo je prvi put da je neko imao razumijevanja za naš problem. Teško mi je reći i priznati da sam se češće tuširao iz kazana nego iz normalnog tuša, pritisak vode je jednostavno bio preslab,“ kazao je na početku radova Gežo.



Desetak porodica iz ulice Bostarići više nema problema s vodom



Galib Gežo: Velika zahvalnost načelniku Hadžibajriću



Radove izveo KJKP 'Vodovod i kanalizacija'

Vrijednost projekta 25.000 KM

Na osnovu sporazuma između Općine Stari Grad i KJKP „Vodovod i kanalizacija“ izvršena je rekonstrukcija vodovodne mreže i izgradnja posebne hidrofleks stanice u rezervoaru Boguševac. Položeno je 60 metara novih vodovodnih cijevi, a šest kuća je potom priključeno na novi cjevovod u koji nova hidrofleks stanica redovno pumpa vodu, čime je dugogodišnji problem u potpunosti riješen. Nakon radova iskopavanja izvršena je sanacija i asfaltiranje oštećenog dijela saobraćajnice. Vrijednost projekta je bila 25.000 KM, od čega je Općina Stari Grad izdvojila 20.000 KM, a ostatak KJKP „Vodovod i kanalizacija“, inače izvođač ovih radova.

40. sjednica

Općinskog vijeća

Mladi bračni parovi iz općine Stari Grad uskoro će moći uzimati u zakup stanove u vlasništvu Općine Stari Grad i na taj način rješavati svoje stambeno pitanje. Zakup stana bit će moguć po znatno povoljnijim cijenama od tržišnih, a pravo će moći ostvariti bračni parovi do 30 godina starosti, sa najmanje pet godina neprekidnog prebivališta u ovoj općini. Odluka o zakupu stanova mladim bračnim parovima usvojena je na 40. online sjednici Općinskog vijeća Stari Grad, na inicijativu vijećnika Sejfe Šehovića (Prva nezavisna



Sejfe Šehović

bh lista - NBL). Stanovi će se davati u zakup na osnovu raspisanog javnog poziva, onim parovima koji ispunje kriterije i budu imali najviše bodova.

Općinsko vijeće Stari Grad usvojilo je na 40. sjednici, na prijedlog općinskog načelnika mr Ibrahima Hadžibajrića, Odluku o umanjenju plaćanja zakupnina zakupcima poslovnih zgrada i prostora u vlasništvu Općine za narednih šest mjeseci. Svim zakupcima općinskih poslovnih prostora umanjuju se zakupnine za 30% u narednih šest mjeseci, tačnije do 31.03.2021. godine. Od odluke su izuzete djelatnosti bankarstva, apoteke i pekare.

Infrastruktura

Stečeni preduslovi za legalizaciju stotina objekata u donjem vodotoku Mošćanice

Dogovorena izrada Elaborata koji će utvrditi stvarno stanje na terenu, kao i realnu potrebu da vodotok i dalje ostane zaštićena zona

U donjem vodotoku rijeke Mošćanice brojna domaćinstava godinama čekaju na legalizaciju svojih objekata koja nije moguća zbog Odluke o zaštiti planinskih izvora vode za piće sarajevskog vodovodnog sistema i dijela otvorenog toka rijeke Mošćanice, donesene 1997. godine. Ta odluka je izvoriste i dio otvorenog toka Mošćanice proglasila vodnim resursima. Građani su tako postali taoci neprovođive odluke, a potpuno shodno vremenu i razvoju grada, naselje se širilo i gradili novi objekti.

Prvi Elaborat zaštite otvorenog vodotoka Mošćanice

S obzirom na ove neusklađenosti, a cijeneći potrebe građana, općinski načelnik mr Ibrahim Hadžibajrić sa direktorom Zavoda za planiranje i razvoj KS Hamdijom Efendićem razmotrio je korake koje je potrebno poduzeti, te je dogovorena izrada Elaborata koji će utvrditi stvarno stanje na terenu, kao i realnu potrebu da



Sa predavljanja Elaborata

vodotok i dalje ostane zaštićena zona.

Potpuno očekivano, Elaborat je potvrdio da je kvaliteta vode Mošćanice vrlo loša i da se predmetni vodozahvat isključuje kao izvoriste pitke vode, te samim tim i postojanje vodozaštitne zone za ovaj zahvat postaje nesvršishodno.

„Stvorili smo preduslove za legalizac-

iju stotina objekata naših građana u donjem vodotoku Mošćanice koji su nam se godinama obraćali sa takvim zahtjevima. Legalizacija nije bila moguća zbog odluke iz 1997. godine. Elaborat je prvi korak koji nam je pokazao da nema potrebe za vodozaštitnom zonom,“ kazao je načelnik Hadžibajrić. „Sada imamo osnova da obećamo građanima da ćemo riješiti njihove probleme i legalizovati objekte. U ovaj projekat smo uključili i Zavod za planiranje KS, te Ministarstvo prostornog uređenja i svi se slažemo da je potrebna izmjena odluke, a iz Ministarstva smo dobili obećanja da će taj zahtjev uputiti prema Vladi i Skupštini KS,“ dodao je načelnik Hadžibajrić.

Provesti procedure

Istog mišljenja je i direktor Zavoda za planiranje Hamdija Efendić. „Mi smo i očekivali da će elaborat pokazati ovo što je pokazao. Otvoreni vodotok Mošćanice ne može biti resurs za vodosnabdijevanje Sarajeva. Treba provesti sve procedure kako bi se ispoštovao zakon i promijenila odluka iz 1997. godine za zaštitu padinskih izvorišta. Što se tiče samog izvora Mošćanice, on treba biti i dalje zaštićen,“ izjavio je Efendić. Zavod za planiranje razvoja KS je inače, kroz prostorni plan Kantona u tekstualnom dijelu, naveo da se po okončanju procedure svi objekti u ovom dijelu mogu legalizovati.

Projekat predavljen na Zboru građana

Na Mošćanici je održan Zbor građana na kojem su predavljeni svi koraci poduzeti s ciljem izmjene sporne odluke. Zboru je prisustvovala o i načelnik Hadžibajrić koji je kazao: „Mi ćemo sada pokrenuti procedure da se dio te sporne odluke stavi van snage i očekujemo da sve bude završeno u narednih dva do tri mjeseca.“



Adis Hadžović pomoćnik načelnika za investicije i komunalne poslove predavlja Elaborat



Sa građanima Mahmutovca nakon završetka projekta vrijednog 750.000 KM

Sva domaćinstva na ovoj dionici dobila su nove priključke i konačno su riješeni višegodišnji problemi loših instalacija

Okončan je projekat uvođenja nove vodovodne mreže, fekalne i oborinske kanalizacije na Mahmutovcu: u ulicama Begovac, Paje i Paje sokak. Radovi su trajali nešto više od tri mjeseca, a zamijenjeno je po 300 metara neispravnih cijevi za fekalnu i oborinsku kanalizaciju, te postavljeno 300 metara novih cijevi za vodu i asfaltirana kompletna dionica. Sva domaćinstva na ovoj dionici dobila su nove priključke i konačno su riješeni višegodišnji problemi loših instalacija, ispucalih cijevi i oštećenog asfalta u ovom naselju.

Projekat kroz tri mjesne zajednice

Povodom završetka ovog velikog projekta, dio naselja u kojem su se izvodili radovi posjetio je 23.10.2020. godine općinski načelnik mr Ibrahim Hadžibajrić sa saradnicima. Građani su iz prve ruke govorili o svojim utiscima i izražavali zadovoljstvo.

„Rođena sam na Mahmutovcu, u ulici Paje. Infrastruktura na Mahmutovcu nikada nije bila bolja, jer prije smo imali dosta problema. Sada smo dobili dugoročno rješenje i urađen je dobar posao,“ ispričala je Šerifa Porča. Istog mišljenja je i 81-ednogodišnji Uzeir Subašić, također starosjedilac Mahmutovca. „Ovo je velika radost za nas stanovnike. Prije je zaista bilo svega i svačega, pucale su te stare cijevi i ne sjećam se kad su postavljene,“ ispričao je Uzeir.

Radit će se i ulica Sulejmana Zolja

Načelnik Hadžibajrić je podsjetio da su ovi radovi samo dio velikog projekta koji je počeo prije dvije godine iz ulice Kurtin sokak.

„Iznos kompletnog projekta, od Kurtinog sokaka do Mahmutovca je oko milion i 200 hiljada KM. Ulaganje na ovom mjesnom području se ne završava, potpisali smo ugovor za izvođenje radova u ulici Sulejmana Zolja vrijednosti oko 558.000 KM gdje će se također raditi zamjena instalacija. Ti bi radovi mogli uskoro početi, ovisno od vremenskih prilika, a mijenjat će se instalacije koje nisu rađene skoro 70 godina,“ najavio je načelnik Hadžibajrić.

Kompletnan projekat koštao je 1,3 miliona KM

Projekat rekonstrukcije vodovodne i kanalizacione mreže počeo je 2018. godine iz mjesne zajednice Bistrik, preko Toka-Džeke do Mahmutovca, a obuhvatio je ulice Bistrik potok, Pastrma i Kurtin sokak. Posljednja faza, u ulicama Begovac, Paje i Paje sokak rađena je od jula do oktobra ove godine. Ukupno je na cijeloj dionici postavljeno 1.200 metara nove kanalizacione mreže, a u cijeli projekat uloženo je više od 1,3 miliona KM. Radove na Mahmutovcu finansirali su Općina Stari Grad i Ministarstvo komunalne privrede i infrastrukture KS. Zajedničko finansiranje je rezultat sporazuma dvije institucije o sufinansiranju ovog projekta od namjenskih sredstava – vodne naknade na području općine Stari Grad.

Općina Stari Grad nastavlja pomagati onima kojima je pomoć najpotrebnija



Hamza i Alma s načelnikom Hadžibajrićem

Alma Poturković, 24-erogodišnja djevojka koja živi u Starom Gradu, obratila se dirljivim pismom Općini Stari Grad u kojem je govorila o situaciji u kojoj su našli ona i njen petnaestogodišnji brat. Alma i njen brat Hamza žive sami već tri godine, nakon što su u jednoj godini izgubili i oca i majku. Majka je umrla usljed teške bolesti, a otac je umro nedugo poslije nje. Alma je tada preuzela ulogu roditelja, napustila školovanje, zaposlila se i hrabro nastavila dalje sa svojim bratom.

Svoje pismo Alma je naslovila na općinskog načelnika mr Ibrahim Hadžibajrića koji je uputio predstavnike Službe za boračko-invalidsku i socijalnu zaštitu da obidu ovu porodicu. Služba se uvjerila u sve navode koji su izneseni u pismu, nakon čega je odlučeno da se ovoj porodici pomogne.

„Hamza će biti stipendista Općine Stari Grad i nadamo se da će mu to olakšati školovanje. Za lakše praćenje online nastave obezbijedili smo mu i laptop. Naša je obaveza da pomažemo ovakvim porodicama, posebno djeci koja odrastaju bez roditelja i činit ćemo to i ubuduće. Od Hamze očekujemo da bude dobar učenik i da uz pomoć nas i svoje sestre ‘izađe na pravi put’,“ poručio je načelnik Hadžibajrić.

Osim pomoći Općine Stari Grad, želju da Hamzi olakša školovanje je izrazio je i prijatelj ove Općine, ugledni privrednik Hajriz Brčvak koji je za njega osigurao novčanu donaciju. Sekretarka organa državne službe mr Alma Destanović će također, lično, stipendirati Hamzu u narednih godinu dana.

Nakon svih ovih lijepih vijesti, Hamzi i Almi je preostalo samo da se zahvale i istaknu da su sretni što žive u općini Stari Grad gdje se brinu za svoje građane.

Hamza Poturković inače pohađa JU Srednja ugostiteljsko – turistička škola, smjer kuhar i želja mu je da se jednog dana time profesionalno bavi.

Podrška



Druženje sa članovima Centra za promociju i unapređenje zdravlja ● Centar pruža usluge osobama treće životne dobi iz cijelog KS ● Ko god može neka se aktivira, dobro je za zdravlje

Povodom 01. oktobra, koji se širom svijeta obilježava kao Međunarodni dan starijih osoba, općinski načelnik mr Ibrahim Hadžibajrić upriličio je druženje sa članovima Centra za promociju i unapređenje zdravlja, u parku At mejdan. Uz druženje na otvorenom, kafu i kolače, članovi Centra razgovarali su sa načelnikom o svojim aktivnostima i planovima koje imaju.

Inače, ovaj Centar pokrenula je Općina Stari Grad 2017. godine i otvoren je za osobe treće životne dobi iz cijelog Kantona Sarajevo. Svakodnevno ovaj Centar posjećuju građani iz svih općina, nerijetko i iz onih udaljenijih poput Hadžića ili Ilijaša, učestvujući u terapijskim vježbama, edukativnim radionicama, zdravstvenom savjetovalištu i dr. Centrom uspješno upravlja Udruženje „Generacija“.

Projekat plijeni veliku pažnju

„Na Međunarodni dan starih osoba došli smo da posjetimo naše članove u At mejdanu gdje svakodnevno vježbaju i da im odamo poštovanje. Drago mi je vidjeti

da su zadovoljni uslugom koju dobijaju u našem Centru i radićemo i dalje na tome da osobama treće životne dobi ponudimo što više sadržaja, ali i brige,“ kazao je Hadžibajrić.

Po riječima Mahira Selmanovića, upravitelja Centra za promociju i unapređenje zdravlja, Općina Stari Grad je primjer je dobre prakse jedne lokalne zajednice koja vodi računa o građanima treće životne dobi.

„Projekat je takav da jednostavno plijeni veliku pažnju osoba treće životne dobi. Udruženje ‘Generacija’ i Općina Stari Grad su napravili tako da svaki dan ljudi imaju kome da se obrate, što bi se reklo imaju vrata na koja mogu ući i olakšati svoje životne aktivnosti svakodnevnog karaktera,“ ispričao je Selmanović.

Šta kažu članovi Centra...

Bisera Antunić ima 87 godina i kaže da joj ovaj Centar predstavlja sve u životu.

„Ja sam bila dugo u inostranstvu i kad sam se vratila shvatila sam da su moji prijatelju umrli, od poznanika nik-



Načelnik sa članicama centra



Ugodno druženje u parku At mejdan

oga nije bilo i meni je Centar bio sve u životu. Preporučujem ko god može da se aktivira, dobro je za zdravlje. Ova gesta načelnika Hadžibajrića nam puno znači,“ ispričala je Bisera.

Vrtić „Bulbul“ na Bistriku na proljeće počinje sa radom

Vrijednost projekta je skoro milion konvertibilnih maraka • Oko 100 mališana imat će priliku da pohađa vrtić, što je od izuzetnog značaja za građane

Poslije više od 25 godina, stanovnicima lijeve obale Miljacke na Bistriku, bit će vraćen Vrtić „Bulbul“, koji je potpuno devastiran tokom agresije na grad Sarajevo i Bosnu i Hercegovinu. Rekonstrukcijom objekta i puštanjem u rad ove odgojno-obrazovne ustanove, oko 100 mališana imat će priliku da pohađa vrtić, što je od izuzetnog značaja za građane, imajući u vidu nedostatak kapaciteta sa kojim se odavno suočava Javna ustanova „Djeca Sarajeva“.

Objekat će primati oko 100 djece

Rekonstrukcija objekta počela je sredinom augusta ove godine, a projekat zajedno realizuju Općina Stari Grad Sarajevo i Ministarstvo za obrazovanje, nauku i mlade KS. Općinski načelnik mr Ibrahim Hadžibajrić sa saradnicima, te predstavnikom izvođača radova i nadzornog organa obišao je 20.10.2020. godine radove gdje su mu predstavljeni rezultati urađenog i dinamika planiranih radova. Istaknuto je da je objekat bio u izuzetno lošem stanju, te da se prvo morala uraditi njegova stabilizacija i sanacija konstrukcije.

Ovaj objekat će mnogo značiti građanima koji nisu mogli dobiti mjesto za svoju djecu u javnim vrtićima zbog nedostatka kapaciteta, a tu u prvom redu mislim na stanovnike Bistrika, Hrida, Jarčedola, Širokače, Toka-Džeke i Mjedenice...Krenuli smo iz temelja sa njegovom obnovom i nadam se na proljeće sljedeće godine da će vrtić biti stavljen u funkciju“, kazao je načelnik Hadžibajrić. „Na licu mjesta smo se uvjerali da se radi punim kapacitetom i siguran sam da će lijeva obala Miljacke ponovo imati reprezentativan objekat kakav zaslužuje i koji će moći primiti oko 100 djece čime značajno rješavamo ovu problematiku,“ dodao je načelnik Hadžibajrić.



Načelnik Hadžibajrić obišao radove rekonstrukcije

Vrijednost investicije 964.000 KM

Projektom rekonstrukcije Vrtića „Bulbul“ obuhvaćeni su svi arhitektonski i građevinski radovi, ugradnja novih vodovodnih i elektro instalacija, sanacija enterijera i vanjsko uređenje, kao i utopljanje fasade i izgradnja dječijeg igrališta, dok je prilikom obilaska radova na licu mjesta dogovorena i rekonstrukcija potpornog zida na ulazu iz ulice Hulusina kako bi objekat bio potpuno funkcionalan i ispunjavao sve uslove za siguran boravak djece. Vrijednost ovog projekta je 964.000 KM, a realizuje se preko općinske Službe za lokalni razvoj i poslove mjesnih zajednica.

Izgradit će se i dječije igralište

Radove rekonstrukcije objekta provodi firma Kolinvest d.o.o, dok je za nadzor nad radovima zadužena firma K-projekt. Vesna Halebić, u ime nadzornog organa, istakla je da je najvažniji dio posla već završen, a to je učvršćivanje objekta čeličnim konstrukcijama. „Kada je objekat konstruktivno učvršćen da ne bi slučajno došlo do pomjeranja, počeli su radovi na potpornim zidovima oko objekta koje treba ojačati. Bitno je da uradimo



Radovi počeli u avgustu



Vrtić „Bulbul“ će biti potpuno renoviran

što više potpornih zidova dok su povoljni vremenski uslovi da bi se omogućila izgradnja dječijeg igrališta u dvorištu,“ istakla je Halebić.

Na objektu svakodnevno radi 30 uposlenika, a kako je potvrdio Edin Hadžić, šef gradilišta, pored već spomenutih radova sanira se i ravni krov.

„Trenutno radimo na ravnom krovu, da riješimo taj dio prije zime. Što se tiče stolarije ona je 90% postavljena. Radimo i na malterisanju objekta i skidamo glazuru, a postaviti će se i novi slojevi poda,“ izjavio je Halebić.

Predstavljamo

Firma Uzun-komerc: Inženjersko-tehnološko čudo sa Faletića

Moderne mašine iz BiH izvoze u regiju i šire ● Trenutno izrađuju posebnu mašinu za rezanje torti i kolača ● Proizvode mašine za pakovanje, obradu hrane i pića ● Tim sačinjen od stručnih i mladih ljudi



Vlasnik firme Elmedin Uzunović sa jednom od tek napravljenih mašina

S tarogradsko naselje Faletići asocira na opuštajuću prirodu i mjesto gdje se odlazi provesti lijep sunčani vikend na ručku i šetnji sa najbližim. Međutim, rijetko ko zna da se u tom dijelu općine Stari Grad dugi niz godina nalazi firma koja proizvodi visokosofisticirane strojeve za pravljenje pakovanja gotovih prehrambenih proizvoda.

Porodična firma koja izvozi na brojna tržišta

O svemu šta ova uspješna firma radi razgovarali smo sa njenim vlasnikom, Elmedinom Uzunovićem. „Firmu je osnovao još davne 1962. godine moj rahmetli otac. Po završetku fakulteta

posao preuzimam ja, a danas većinu operacija vodi moj sin Kenan, što znači da je ovo istinska porodična firma i za nas predstavlja život“, kazao je na početku razgovora Elmedin. Koliko je ovo kompleksan i zahtjevan posao, govori činjenica da su konkurencija Uzun-komercu firme iz Italije i Njemačke, koje strojeve ove vrste prodaju za čak tri puta veću cijenu. Upravo iz tog razloga najbitnija tržišta gdje Uzun-komerc izvozi svoje proizvode su zemlje regije Hrvatska, Srbija i Slovenija. „Nažalost sve materijale i elektroniku koju ugrađujemo u mašine uvozimo iz Zapadne Evrope. Međutim, stručnost i volja našeg osoblja daju gotov proizvod, te sa ponosom ističemo da naši moderni strojevi dolaze iz Bosne i Her-

cegovine. Trenutno po prvi put radimo jednu posebnu mašinu za rezanje torti i kolača i namijenjena je za njemačko tržište“, ispričao je Uzunović. Inače, firma Uzun-komerc nudi automatizaciju u svakom potrebnom segmentu, uključujući proizvodnju potpuno automatiziranih mašina za pakovanje, obradu hrane i pića.

Zanimljivost da je firma prvobitno poslovala u Novom Gradu, a radi veće širine i komocije su prešli na porodično imanje u Faletićima. „Za vrijeme rata cijela firma i sve u njoj je zapaljeno i srušeno do temelja. Ipak naporima, velikom žrtvom i odricanjima cijele porodice digli smo se iz pepela i danas došli u situaciju da našu kvalitetu prepoznaju vrlo ozbiljne kompanije iz

cijelog regiona koji svoje proizvodne pogone upotpunjuju našim linijama za pakovanje gotovih proizvoda“, poručio je Uzunović i dodao da su sigurno najiskusnija firma u ovom sektoru, te da posjeduju najveće i najmodernije mašine za obradu metala.

Odlična saradnja sa Općinom Stari Grad

Elmedina Uzunovića cijeli život veže za Stari Grad: „Rođen sam i odrastao u Starom Gradu, administrativno sjedište firme se nalazi u ulici Pehlivanuša u Starom Gradu, proizvodnja je na Faletićima u Starom Gradu. Za saradnju sa Općinom Stari Grad imam samo riječi hvale, bez ikakvih problema sam dobio svaku zatraženu pomoć i uslugu. Veliki broj uposlenika firme žive na području Starog Grada, radi blizine dolaska na posao“, pojasnio je Uzunović.

Uspjeh svake firme, pa tako i Uzun-komerc, ne bi bio moguć bez kvalitetnih, predanih i stručnih uposlenika. „Sve stvoreno u ovoj firmi, stvoreno je od strane 27-članog tima stručnjaka sačinjenog od mladih i iskusnih ljudi. To su inženjeri, mašinbravari, tehničari i varioci, o kojima vodimo jako puno računa, znajući koliki je odliv ovih profila zanimanja u bogate zemlje Evrope“, rekao je prvi čovjek ove firme. Iako je pandemija korona virusa poremetila, a nekim sektorima potpuno uništila poslovanje, zbog velike fleksibilnosti, ali i načina poslovanja, ovoj firmi se



Nakon poslovanja u Novom Gradu firma "Uzun-komerc" prelazi u Stari Grad na Faletiće



Uzun - komerc tim čini kombinacija mladih i iskusnih stručnjaka

to srećom nije desilo. „Oduvijek poslujemo po unaprijed ugovorenim narudžbama izrade mašina, a bilo ih je uoči pandemije. Također, u toku pandemije smo dobili narudžbu od bh. industrijskog giganta Preventa za kojeg smo radili pet linija za izradu zaštitnih maski“, rekao je na kraju razgovora Elmedin Uzunović, vlasnik firme Uzun-komerc.



Proizvodnja mašina za pakovanje



Unaprijed ugovorene narudžbe



"Uzun-komerc" posjeduju najsvremenije mašine

Rade sa velikim kompanijama

Uzun-komerc je prisutan i na domaćem tržištu, a radi sa velikim uspješnim bh. kompanijama poput Binga, Hoše komerca, Grupacijom

AS Jelah, koje opet imaju desetine manjih firmi, a u većini njih se nalaze mašine Uzun-komerc iz Starog Grada.



Mašine Uzun – komerca pakuju brojne proizvode

Pobratimske općine

Općina Karamürsel – Biser Izmitskog zaljeva i nekadašnja strateška luka

Stari Grad i Karamürsel pobratimi od 2006. godine • Donacija računarske opreme za starogradske osnovne škole • U Karamürselu živi mnogo građana porijeklom iz BiH

Općina Karamürsel prva je općina iz prijateljske Republike Turske sa kojom se Općina Stari Grad bratimila nakon agresije na Bosnu i Hercegovinu, a Sporazum o bratimljenju potpisan je 2006. godine. Dolaskom mr Ibrahima Hadžibajrića za načelnika Općine Stari Grad 2008. godine, odnosi Starog Grada i Karamürsela se počinju razvijati. U junu 2012. godine, visoka delegacija Općine Karamürsel, predvođena načelnikom Ismailom Yıldırımom dolazi u posjetu Općini Stari Grad kada se počinje dogovorati konkretna saradnja. Izreka “pravi se prijatelji u nevolji poznaju” se pokazala tačnom u slučaju Starog Grada i Karamürsela. Za vrijeme velikih poplava koje su 2014. godine zadesile Bosnu i Hercegovinu, građani ovog turskog grada su putem svoje pobratimske Općine Stari Grad uputili značajnu novčanu donaciju Mag-



Karamürsel posjećuju brojni turisti da uživaju u ljepotama

laju, gradu koji je platio najveću cijenu majskih poplava te 2014. godine.

Krajem decembra 2016. godine u Općini Stari Grad je svečano potpisan Sporazum o primopredaji i održavanju računarske opreme čime je realizovan projekat „Opremanje osnovnih škola računarskom opremom“. Ovaj projekat je pripremio i predložio tadašnji općinski Sektor za lokalni razvoj, a finansijski realizirala pobratimska Općina Karamürsel. Projektom je svih šest osnovnih škola u Starom Gradu dobilo po pet modernih računara, te po jedan štampač, video projektor i projekciono platno. Vrijednost ovog projekta iznosila je oko 40.000 KM.

Općina Karamürsel – Bašta civilizacije i poželjna turistička destinacija

Općina Karamürsel nalazi se na lijevoj obali Izmitskog zaljeva, 90 kilometara jugoistočno od metropole Istanbula. Zahvaljujući graditeljskom čudu, Osmangazi mostu, put između Istanbula i Karamürsela je znatno skraćen. Zbog svog odličnog geografskog i strateškog položaja, Karamürsel je za vrijeme Osmanskog carstva bio mjesto gdje je osnovana osmanska mornarica, koja je vladala istočnim Mediteranom nekoliko stoljeća.

Osmangazi most – graditeljsko čudo vrijedno milijardu eura


Osmangazi most je najduži (2.620 m) viseći most u Turskoj i šesti najduži viseći most u svijetu, a izgrađen je 1. jula 2016. godine nakon više od tri godine gradnje. Nalazi se u blizini Karamürsela iznad Izmitskog zaljeva i skratio je put između Istanbula i Izmiru za čak 140 kilometara. Putovanje od Istanbula do Izmiru, zahvaljujući ovom graditeljskom čudu, traje tri i po sata, umjesto nekadašnjih šest i po. Turska je za ovu investiciju izdvojila oko milijardu eura.



Yıldırım i Hadžibajrić, juni, 2012. godine

Iz svih tih razloga, Karamürsel je bio magnet za stanovnike iz raznih dijelova carstva, te je struktura njegovog stanovništva i dan-danas izuzetno raznolika. U ovom gradu na obali Mramornog mora živi oko 60.000 stanovnika, a veliki broj njih vodi porijeklo iz Bosne i Hercegovine, Bugarske, Rumunije, Sjeverne Makedonije, Bugarske, Grčke, Gruzije... U Karamürselu se nalazi replika baščaršijskog Sebilja, kao podsjetnik na posebnu vezu ovog grada, naše općine i zemlje. Uglavnom domaći turisti odlaze u Karamürsel kako bi uživali u prelijepim plažama uz obalu zaljeva, ribljim restoranima i ostalim brojnim prirodnim ljepotama.






| Naziv institucije | Telefon |
|--------------------------------|------------------------|
| Policija | 122 |
| MUP Stari Grad | 033/ 532-000 |
| Hitna pomoć | 124 |
| Vatrogasci | 123 |
| Taxi Sarajevo | 1515 |
| Turistički informativni centar | 033/ 532-606 i 580-999 |
| Info centar Općine | 033/ 233-184 |
| Mjesne zajednice | 033/ 265-526 |
| Porezna uprava | 033/ 555-481 |
| Apoteka „Baščaršija“ | 033/ 272-300 |
| Biro Stari Grad | 033/ 557-247 |
| Općina Stari Grad Sarajevo | 033/ 282-300 |

| Općinska služba | Telefon |
|---|-------------|
| Služba kabineta općinskog načelnika | 033/282-400 |
| Općinsko vijeće | 033/282-313 |
| Služba za odnose s javnošću i informacione sisteme | 033/282-491 |
| Služba civilne zaštite | 033/282-395 |
| Služba za investicije i komunalne poslove | 033/282-417 |
| Služba za urbanizam | 033/282-316 |
| Služba za imovinsko-pravne, geodetske poslove i katastar i stambene poslove | 033/282-335 |
| Služba za boračko-invalidsku i socijalnu zaštitu | 033/282-397 |
| Sektor za tehničke poslove i obezbjeđenje | 033/282-452 |
| Služba za opću upravu i inspeksijske poslove | 033/282-357 |
| Služba za finansije | 033/282-427 |
| Služba za privredu | 033/282-359 |
| Općinsko pravobranilaštvo | 033/282-371 |
| Služba za obrazovanje, kulturu i sport | 033/282-365 |
| Služba za lokalni razvoj i poslove mjesnih zajednica | 033/265-525 |

-  Informacije
-  Policija
-  Parking
-  Prva pomoć
-  Toalet
-  Pošta
-  Banka



Općina
Stari Grad
Sarajevo



Likovna kolonija osnovaca

Povodom 'Dječije nedjelje' osnovci iz općine Stari Grad učestvovali su u Likovnoj koloniji koja je održana na višenamjenskom trgu prekoputa Vijećnice.

Učestvovali su učenici likovnih

sekcija osnovnih škola „Edhem Mulabdić“, „Šejh Muhamed efendija Hadžijamaković“, „Mula Mustafa Bašeskija“, „Vrhbosna“, „Hamdija Kreševljaković“, „Saburina“, Zavoda Mjedenica i Bloom Sarajevo Primary School.